

香山縣志卷十四

列傳以下俱國朝

容章美

何鞏道子栻

黎儲英

梁國章

趙之誥

楊思誠

毛濬

繆志和

梁雲扶

鄭廷連子三接

毛定周

梁源泗

陳光龍

郭隆

李航

何月客

毛天翀

韋元懿

歐應辰

何培

梁靜

鄭啟斌

容聖時

劉相

梁宮捷子天敘

李龍翔子孔昭孫卓揆

黃巍生

何鴻昇孫夢達

麥天縱

楊必名

香山縣志卷十四

鄭九琨

楊瓚

鍾寶弟高蘇義和

麥顯承

毛超宗

何源彭

曹起龍子賢燁孫汲

蕭調元

梁士元

高狃

盧閒生

鄭儼

李猶寵

鄭光祐

郭中令

繆棟選

毛德華孫復澄

楊錫震曾孫天桂

鄭肇嘉

繆良翼

黃昌符子上躋上勳

黃朝紳

何清

鄭光先

鄭三讓

黃銘

郭蘭芳曾孫德鉅

黃應時

劉信烈

侯次公子成志

陳國敘

陳國光

梁金震

楊煒

楊屏

蕭一彬



鄭曉 子士宏

何仞樾 孫大佐

高崐

區喬

鄭三才

陳讓

黃元惠 孫紹庭

歐國平

劉光煥

李火地

何積

麥陟瞻

李韡

鍾士傑

徐士桂

楊而和

方嶙

鄭元衡 何德強

何聖強

黃與京

麥人寵 子巒 孫德溢

繆時鳴

劉君彩 申志 作采

李雋

楊節

鄭懿 子作霖

何儒

李修凝

何士蛟 子子攜

韋易

陳書

鮑士鱗

鄭江 子上階

高肖

鄭述任

黃應溪 後改 應南

香山縣志 卷十四

楊仁

韋潮

盧文起

鄭基 弟作邦 子應翰

劉鶴鳴

李遐齡 從兄瑩書

麥子淳

鄭交泰

方發

方芬 兄華 弟芳

鄭文喬

黃紹統

李振芳

詹官

陳蘭芝

何大鯤

麥佑 會祖吉祥

方世瓚

何端珣

吳見賢 余乾寶

毛應龍 子國斌

黃標

何定江

李勝南

黃姚

李念三

何昶

何其英

何文明

劉國鳳 子大觀

鄭應元 從子敏達 廷槐

王天敘

何士祥

吳朝鼎

趙時潤

嚴介

方天根

從弟繩武

鄭錫玉

楊汝任

李大觀

何定鰲

梁韜

阮四和

蔡佑

林應元

子世德容大振

譚靄珍

劉文貴鄧煥章等

七烈士

翁植斯

張清亮

程仰添

林光洪

唐文璣

吳元善

國朝

容章美字仲含長洲人

志

邑諸生幼喪母事父及繼母以孝

聞與繼母弟友愛順治間海賊入村章美以父病足負走為

賊所得賊欲質其父遣章美歸鬻產來贖章美曰父老矣不

堪久困舟中願以身繫使父歸賊從之父歸鬻產得金時章

美次子為他賊所得父先往贖賊聞之怒縛章美梳檣上燬

香山縣志

卷十四

列傳上

國朝

三

六

煉備至章美無怨言會官兵至賊取被擄者悉投海中以去

章美遂遇害鄉人自賊所歸者述其縛桅上時猶賦詩念親

云

張府志

章美詩曰東洲落日

暴志

何鞏道字皇圖吾騶子幼聰穎工詩

志

刻意抒懷音多哀颯

方在盛年為怨家夜殺于道

鈕琇

著有越巢詩稿二卷子棧

字太占性曠達亦以詩名尤工書卒年九十一著有獨寫堂

集二卷南塘詩鈔二卷梁藥亭稱之為詩隱

志

黎儲英字起山大黃圃人順治間父為海賊所擄儲英號泣

以從賊索三百金為贖拮据稱貸凡三往皆要奪之乃以身

質俾父歸籌贖賊許之旋以計逃白於官捕賊殲焉邑令胡

戴仁旌其門曰孝勇全人

梁國章字敬韜乾霧鄉人沉毅有度順治間歲貢生社賊之

亂多所殘害與兒爾勵姪星占密請兵計殲其魁鄉人賴之
卒年六十五

趙之誥字天章黃梁都人邑諸生性和厚時社賊欲劫鄉其
僕應之私往會數日乃返之誥不加責且慰存其勞瘁給以
酒食僕感泣以實告遂遣僕去密求救於鄰及期賊至以救

免鄉人賴安俱同上

楊思誠字伯真南門人暴志順治貢生授茂名教諭日與諸生

講論經義砥礪廉隅暇則旁及詩歌鼓吹風雅諸生中有膏
火不給者輒飲贈之旋署茂名縣杜苞苴嚴請托發奸摘伏
如神薦補高州學正晚精易理著有周易輯義四卷百城堂

詩集一卷張府志

毛濬字孟深邑庠生性純孝五歲母歿父元鈺病足濬視寢

香山縣志卷十四

列傳上 國朝

四 六

膳不出戶者數載年十五父歿事繼母以孝聞弟宜聲為賊
所害濬以計得賊及贓告縣捕斬之嘗與里人黃六亨善六
亨被寇擄不能贖濬以果園質數十金卒贖六亨著有敬義
堂集十卷子定周丁酉舉於鄉申志按定

繆志和字子介龍眼都人申志弱冠能文事父母以孝聞性和

厚鄰人梁某家貧常周其困梁酗酒擊志和子幾斃志和不

校梁死且施棺以殮人稱為長者年荒嬰孩載道收養之死

而無告者葬埋之事母黎進膳必旁侍婉容勸餐郝通志母病

每籲天願以身代張府志已有疾必強起行坐恐貽母憂也以

母老不仕郝通志順治辛卯 恩貢同年有得美官者或

勸駕志和曰鐘鼎雖榮弗易膝下承顏之樂也年七十孺慕

彌篤暴志母年百有三歲志和卒祀鄉賢郝通志

梁雲扶字圓嶠小欖人崇禎己卯舉於鄉 國朝順治壬辰成進士授山東高密縣知縣甫之任鄰境鎮將叛雲扶守禦有方民賴以安奉 旨欽取授吏部驗封司主事卒於

官申志

鄭廷連字子雲邑庠生順治壬辰兵荒繼作飢殍載道連首捐穀三百石為紳士倡族困於徭役濱死者屢矣連為變產代輸復撥田八十畝以供祠祀年八十卒張府志子三接舉於

鄉

暴志 按選舉 康熙丙子武舉

毛定周字景紹順治丁酉舉人癸卯海寇千艘將犯香山邑令胡戴仁用定周策固守邑賴保全後知丹徒縣定周以仁心為質而濟以經術與民休息邑賦多逋請分年帶徵以免並徵之累修郡縣學宮設義館教民子弟未滿二期頌禱之

香山縣志卷十四

列傳上 國朝

五

六

聲溢於道路以前令事累當去官民呼號如失慈母定周歸謝絕外事終日課諸孫於大小山堂年逾八十邑人奉為典

型

張府志

梁源泗黃梁都乾霧村人申志邑廩生生有至性甘恬退居家

力行所學父國棟嘗為彭澤令有聲源泗善事父母母病籲天願以身代張府志及亡水漿不入口者旬日申志服未闋父又

亡益晝夜號泣遂至失明生平處己以信接物以謙課子弟以詩書皆著聲庠序年六十雙目復明能書細字學使准貢

舉鄉飲賓

張府志

道光八年以孝行旌

採訪冊

陳光龍茶園人邑庠生性慷慨好義順治戊子歲飢出穀賑濟康熙戊申海寇犯村殺人龍施棺以瘞死者仍捐己地築圍牆防守村賴以安申志

郭隆有膽畧好義敢爲康熙元年徙邊海民上官委隆督遷小欖瓜期促逼貧者難於舟楫男女哭聲載道隆懇請展限十日復多方濟之不致流離瑣尾者隆之力也志暴

李航字東苑小欖人增貢生宗伯孫宸之孫有孝行好義有山東王某宦於廣去官貧甚托以振妾生男航備極撫恤十餘年遺歸聞者莫不義之志祝

何月客小欖人官順德協把總性忠烈康熙三年從戎奮勇赴敵戰死時二月十六日也總督請旌於朝贈威遠將軍

同上

毛天翀字漢翼孝廉可珍第五子也好學能文有才畧爲邑諸生旋食餼伯兄嘗被誣天翀罄產出之志暴會邑令姚啟聖

罷官羈旅侘傺無聊李厚菴集天翀與相契以千金資其入閩志祝

香山縣志卷十四

列傳上 國朝

六

後征討臺灣因辟天翀爲從事軍興旁午凡百所需天翀無

不立辦志暴臺灣居海島非船不進時泉州永春山峒多大木

而峒蠻負險恃頑乃署天翀爲永春博士理論諸酋遂得木

造船連復十九寨及金門廈門諸隘撫勦並行多用其策志通

敘功二十二次志暴歸適遇宗人構難走避湖湘啟聖求之

不獲志祝後以選貢就惠州永安教諭張府志初天翀之署永春

也留心造士比至永安尤加意作養有貧不能赴試者助以

資斧自制府中丞以下咸褒美之遷湖廣安仁令甫下車志暴

禁陋規請托興利除弊張府志縣有停棺不葬者勸其豪右捐

地任民安厝貧者捐俸飲之半載葬棺數百無復停柩與人

有來暮之歌志暴去任日攀轂者相屬於道卒年七十有九志通

志

韋元懿翠微村人志康熙五年海賊龔翠微元懿招眾擊之

大清一統志遇賊老鴉口懿吼聲如雷賊皆辟易俄而驍賊舞刀

向懿懿手格賊刀賊亦手接懿刃相持未決懿頭觸賊胸仆

地賊眾奔潰志次年菴山被寇率眾赴敵賊聞其勇遮道擊

之遂遇害鄉人祀於西社大清一統志

歐應辰字憲君海洲鄉人五歲失怙季叔撫之無異所生辰

亦事叔如父康熙五年丙午舉於鄉大尹重其才聘修邑乘

旋任福建浦城令浦當孔道閭閻疲於奔命辰乃酌遠近之

宜給舟航之費供饋不繁民稍甦息兵燹後瘡痍未復逋賦

纍纍辰追呼不擾而歲課咸登人以爲盛德所感云志

何培字聖因丙午歲饑捐賑吳邑侯旌其義由廩生貢任欽

州訓導州僻近安南士風頹靡培至則捐修學宮兩廡以安

香山縣志卷十四

列傳上 國朝

七

先賢修學舍以講經學嚴優劣之科甫四載學校不變卒於

官欽人走送數百里同上

梁靜涌口人官百戶已致仕矣康熙八年海寇劫村靜日夜

率鄉人守禦奮不顧身卒以微斃志

鄭啟斌字而撫谷都人尙義豁達有大盜陳某糾眾期會攻

城啟斌偵得情奔報邑令申良翰設備未幾寇至攻甚急啟

斌由水關赴省乞援賊旋勦滅不受賞而歸

容聖時南屏鄉人康熙初賊攻縣城聖時腰利刃以兩藤牌

自捍踰城而下斬賊陣執大旗者官軍開門乘之獲全勝以

功授把總俱同上

劉相字良倩邑庠生博學工古文詞才名藉藉四方碑銘傳

記多走集其門康熙癸丑大尹聘修邑乘三列賓筵壽九十

有九暴志

梁宮捷字祺生黃梁都人暴志性孝友尤潛心理學康熙辛卯已酉兩中副車司訓大埔勤於課士著有長春集藏於家長子天敘字遐昭乙酉明經張府志

按祝志選舉表據採訪冊謂宮捷順治辛卯副榜故列傳欲改康熙為順治蓋以康熙辛卯是五十年已酉是八年相距甚遠但張府志明是辛卯先而已酉後安可倒置且申志謂宮捷康熙元年壬寅歲貢如順治己中副榜壬寅何以得歲貢以壬寅歲貢計至辛卯五十年不幾百餘歲乎竊疑辛卯是癸卯之訛蓋壬寅歲貢癸卯副榜而已酉復中副榜似於年代為近

香山縣志

卷十四

列傳上 國朝

八

六

李龍翔字御昇康熙壬子舉人曾修縣志號為精確選知建平縣地瘠民貧至則條陳利弊十餘事上官嘉納之性廉惠無刻覈行然遇梗法者亦不稍寬假有武舉逼良家婦投塘死者立捕治之張府志俗溺女榜禁愷切委曲開導動以天良陋俗遂革暴志兩經歲飢設法散賑存活無算修義學課士以卓異薦年老乞歸子孔昭張府志由增生貢太學暴志隨父解組歸色養怡怡詩文負盛名著有周易集說四卷甯遠堂詩文集六卷孫卓揆辛卯舉人曲沃知縣張府志黃巍生字對先太學生康熙十三年土寇圍邑城巍挺身防禦家人炊爨以供兵膳丙子歲饑捐米百五十石散賑另設粥飯於門三閱月至稻熟而後止暴志何鴻昇字賓漢幼失怙事母孝嘗負母逃難不顧妻子年六

十執母喪寢苦三年哀思弗懈復樂善好施郡侯高公扁旌之曰好義近仁年九十二卒孫夢達康熙庚子武闈舉於鄉

上同

麥天縱小欖人暴志少穎悟康熙乙卯副榜授潮州海陽訓導

時值偽逆蹂躪海潮兵丁佔學宮地先賢木主多毀棄天縱

率諸生上請肅清殿宇復捐俸修復士得講學於中聘修海

陽縣志撰述多出其手尋陞瓊山教諭瓊俗少禮讓天縱嚴

課程立賞格以與瓊士更始於是士習文風與內地等以年

老致仕歸著有研朱堂詩集張府志

楊必名字非庸南門外人狀貌魁梧讀書通大義遇事勇為

申尹良翰奇其才委團練鄉勇為捍城計康熙丙辰撫賊陳

器瑜率盜艘數百分阨海口漸進邑城必名齋蠟書閒行求

香山縣志卷十四

列傳上 國朝

九

救暴志遇賊脇降不屈死大清一統志雍正己酉祀忠義祠祝志

鄭九琨字公性蓮塘人暴志前山寨把總康熙丁巳七月海寇

鍾吉生夜劫翠微村琨聞警率親兵十一人馳至村口謂眾

曰賊貪財物不虞我至我分三隊從四巷殺入黑夜中一可

當百眾應諾張府志徐千總立山頂以旗招琨且謂之曰眾寡

不敵毋徒自苦暴志及曙賊擄男婦而出九琨忿曰為朝廷守

土縱賊橫行何以生為立呼十一人下山扼賊路口賊呼雅

林與敵琨砍林額小鏡鏡碎有聲張府志吉生以鳥鎗中九琨

九琨揮親兵退猶挺立作擊賊狀賊不敢遽近伺已眾越田

方仆地死其忠烈如此大清一統志

楊瓚字鳴度南關人暴志康熙戊午舉人授宣平知縣邑經兵

燹戶口凋弊瓚請於上官令鄰民能墾田三十畝者准入

附考自是荒蕪漸闢張府志宣俗溺女瓚導以天性之恩舊習頓改未幾疫氣流行鄉多虎暴瓚積誠致禱虎多遠遁疫亦尋消復捐置義學延師講習其中士風丕變莅任七載卒

於官張府志

鍾寶字悅豪旗澳人質樸有勇略諳練風潮姚啟聖宰邑時見寶謂人曰此信布傳也家傳三藩叛聖祖命康親王

傅貝子南征辟啟聖為參謀袁子才集命寶從家傳擊浙之紫聞山

楓橋平之啟聖授溫處僉事李厚才集康熙十四年三月命寶破

石礮李集作石塘奪楊梅岡復宣平太平嶺等處授把總十五年

甯海將軍貝子傅喇塔授寶千總合勦石塘寶攻破賊巢奪

盛甲器械山積連夜進兵復雲和龍泉松溪諸縣十六年啟

聖擢福建總督寶從入閩是時鄭經據臺灣遣其將劉國軒

香山縣志卷十四 列傳上 國朝 十一 六

等取長泰同安進圍泉州再逼漳州兵號十萬平南將軍貝

子賴塔欲棄城走袁子才集啟聖曰賊狂勝而驕出不意奮擊之

滅賊平海在此舉次啟聖之子儀力能從奔車後掣駟馬皆

卻步與寶結為股肱並楊捷張黑子趙二王三癡等十人皆

勇冠三軍李厚才集乃命閉城門韜弓卧鼓忽一日天大霧吹篳

築者三寶等突開城門持長戈而前啟聖以精兵繼之呼聲

震天賊不辨眾寡自相踏藉自辰至酉袁子才集殺經將鄭英劉

正璽等十餘人斬首萬餘級生擒二千餘人溺死破斃者無

算國軒奔海澄乘勝復長泰同安李厚才集是役也寶等以兵五

千破十萬眾事聞議功十九年正月授寶遊擊二月攻克海

倉復陳州三义河玉洲碼洲等十九寨三月復海澄廈門金

門諸島二十二年臺灣平加寶左都督二十八年授陝西潼

關參將家傳蒞任七年兵民安輯尋陞固源鎮西路副將按家傳云

西路靖遠副總兵純轄八路官兵訓練有方防衛甚密張府志四十三

年三月以病卒於官年六十家傳寶馭下以恩在潼時奉部追

取前各營因饑借折米銀兩寶念士皆不能償具詳請免上

官屢駁寶抒誠懇切得疏允免追秦軍感泣教民造筏潼水

捕魚為利三十三年淫雨漲溢民乘筏走高邱全活甚眾靖

遠軍多惡猾以牧馬踐踏民稼寶嚴約束之令誅其越界者

家傳值歲饑出米二千餘石親給賑濟秦民以甦張府志華陰城

西建祠繪像祀焉家傳從寶征浙閩十八人同邑者江起良姚

逢生蘇義和祝志及寶弟豪義和旗澳人授千總銜後以事回

廣東粵督留委赴虎門撫紓洋盜題授東莞水師營左哨千

總豪授福建援勦前營守備加武德將軍三十一年以病告

香山縣志卷十四列傳上國朝十一

歸年三十八卒採訪冊

麥顯承字慤菴小欖人康熙間遷界隨父母徙大良為盜所

劫恐傷父母挺身代盜義而釋之客大良父卒廬墓側賣筆

養母常自忍饑展界後始歸以勤儉起家有從兄弟不知所

終乃割田宅為立後卒年八十八祝志

毛超宗字逸先國學生事母孝嘗以至誠禱神愈母疾諸父

天狎令安仁超宗以千金代償民欠歲凶捐米助賑戚族之

孤貧者咸藉以舉火焉景泰志

何源彭字潤萬先世未有祖祠首捐百金為倡凡伯叔及族

人之貧而未葬者悉經營安厝每遇饑年輒出粟數十石以

賑貧乏康熙初邊海之民兩被遷徙源彭廣為延納借以居

止更為計口授食死者為之殮葬人咸稱德不衰同上

曹起龍字兆輝美鬚暴有勇畧康熙二十二年以把總分守澳門旋調連州星子營時山賊竊發毒流楚粵間起龍領兵挫賊鋒奪回被擄者百餘口授陽山城守連山賊陳鳳焚劫二廣上官調起龍往征大破之復歷險窮追三閱月得賊魁及其黨藏焉升連山中軍以陽民攀留許就舊署行中軍事會太平龍水尾諸排又叛起龍率兵直搗山谷猺大恐悉歸所俘以降後因疾請歸子賢偉辛卯舉人任河南項城縣知縣改陽春縣教諭賢偉子汲歸安知縣莅任六載有善政民德之立碑紀頌張府志

蕭調元字體仁大涌人邑庠生居家孝友某姓逆子感之卒歸於孝胡令聞其事而贈以詩有殷勤相告無他語動以天良石化頑之句時值播遷流離瑣尾元僦屋以居周其困乏

香山縣志卷十四

列傳上 國朝

十三

族人賴以全活者三十餘家晚猶嗜學晨夕手一編教其二

子聲振皆邑庠生暴

梁士元字長人府庠生康熙丁卯惠州別駕魏公奉檄清丈延訪諸文學言人人殊惟士元指陳利弊規畫井井有條魏遂委以綜理之任定弓步魚鱗冊式分畝互丈原隲沮洳無漏無隱舉邑稱平士元與有勞焉曩遭寇變敗齒殘骸委棄荒榛募工沿崖撥拾聚而瘞諸叢塚復置田十畝以供墓祭人咸義之同上

高紳字羽叔岐坑人暴

有田百畝鬻五十畝爲其先立祠又

割四十畝公之兄弟以爲祀田力學教授至耄不倦縣令造廬禮訪有修姓與薛姓爭沙田三十餘頃薛求紳言之縣令願與之均紳曰吾年逾六十屈節以求所不屑也使子孫不

肖何用使子孫肖又何用乎修薛聞之感其誼亦不復爭卒年九十四申志著有江泉漫錄存愧錄讀書摘要喪葬記奇陽

漫稿暴志

盧閒生北山人邑庠生嘗捐地立村名曰雙龍構講堂課子弟正業之暇旁及詩歌一時從遊者多著聲庠序申志

鄭儼字齊山國學生事二親以孝聞讓產分金未嘗有德色子姓中有艱於婚娶及無力延師者皆力助之遇歲飢出粟散賑里中藉以舉火者眾暴志

李猶寵字劍光龍眼都人以明經任陵水學教諭修學舍振文風陵尹陳公瑣謂其訓士得理學真傳云任五年卒於官

季子維新扶櫬旋里瓊南人士祭送絡繹於道

鄭光祐字耀宗里甲有開膏之役稱債旗員積數千金醫盧香山縣志卷十四列傳上 國朝

舍妻孥猶弗給祐代償取原券還之友有遠出而親歿者祐為治棺衾視含殮邑尹俞公解組居停祐家未幾尹卒祐恤其眷屬饋遺不絕康熙二十一年由廩生貢太學授廣甯訓

導勤於課士舊有古樂器祐增修之倩工教習獲聞正始之音至今勿替云

郭中令字時公由廩生貢任河源訓導循循善誘立規條治經義士人經其造就者先後悉獲售旋攝長甯教諭造士一

如河源兩邑人士歌思不置生平慷慨好義歲辛亥颶風覆舟海門溺屍橫流買棺收瘞之俱同上

繆棟選字俊廊張府志士傑之季子也兄弟九人互相師友暴志

性孝友年近七十日事母猶依依孺慕戊己倭亂棟攜河塘故人子歸家教育成名張府志入都遇鄉人鄭某淹滯京邸慨

然厚贈且挈之同歸絕無德色康熙甲子歲薦猶鍵戶讀書訓子著有詩經要旨儀式堂詩集待刊行世暴志

毛德華字曦瞻定周子由廩生貢太學授大埔司訓每鄉試

贈諸生貧者白金歲科新進執脯脩謁見謝弗受人咸高之

尋以親老引病歸年六十猶嬉戲父母膝下奉厥兄恭謹如

嚴父著有大小山房詩文集孫復澄乾隆丁卯舉於鄉同

楊錫震字寶生南門人年十六補弟子員旋貢太學暴志為官

學教習張府志一時名流如徐健菴仇滄柱孫子未輩雅相器

重著有四聲韻譜百一十卷韻補二十卷露香閣摘稿十卷

二刻十卷癸酉中本省鄉試第十一暴志志遠大不欲小就故

不仕至於事親睦族捐地建祠撫育遺孤閭里稱篤行君子

云張府志曾孫天桂乾隆辛卯舉於鄉探訪

香山縣志卷十四列傳上 國朝 十四

鄭肇嘉字文紀蓮塘人少失怙晨夕哀痛歷久不忘母歿亦

然撫訓兩弟極力以供讀書之費諸姪婚娶置屋分產俾克

成立張府志長子曉次子昭俱以明經世其家學曉別有傳探訪

繆良翼字羽陵好讀書不事生產事後母與庶母婉曲將順

中外無閒言筆耕有餘即以贖恤宗族昆弟康熙三十五年

歲薦卒於家暴志

黃昌符字正一長洲人暴志篤志礪行嘗遇行客危疾旅舍將

昇之去符獨延治於家既愈贈金而別久之符猝遇困卒藉

其力以濟康熙丁丑歲飢符首捐米百石邑人士聞風慕義

多所存活子三長上躋由附貢任靈臺多政績民歌詠不置

次上勲康熙辛卯科武舉昌符封贈如上躋官張府志

黃朝紳號端菴伯兄早世撫幼姪如已出嘗割已田三十畝以供祖祠祀事康熙丁丑癸巳歲飢出粟百石以賑鄰人

德之買紫馬嶺地作義塚俾貧人無葬地者托焉鄰邑關某

僑居里間遭喪鬻子以殮紳閔之乃為焚券仍助之資斧而

歸張府志有錢姓以所居質白金若干久而不償偵知其貧亦

還其券兩舉鄉飲正賓以長子時應貴累封文林郎暴志

何清字殿元小攬人由選拔除普甯教諭加意單寒脯脩贄

具峻却不受尋引退歸凡子姓中死而無子者為繼絕世置

祀田他如澹水賑荒有神梓里無不為之著有麟經要典

鄭光先字開坤上巷人父母歿哀毀逾常覓地安厝猝遇暴

虎誠感而去撫兩幼弟拮据養育復經營產宅俾以成立祠

遭遷毀首倡建復又置田二十七畝以供祭事康熙丁丑癸

香山縣志卷十四列傳上 國朝 五

已邑存饑捐米百餘石助賑郡守邑侯咸旌其門

鄭三讓字德將廷連四子幼失恃哀號若成人稍長父有疾

禱天願以身代鄉人有鬻子治喪者典衣以贈有連糧無措

者代為完納一日於路旁拾金數兩候其人而還之人咸目

為長者云俱同上

黃銘字鏡心以名諸生貢太學泰泉五世孫也泰泉父祖相

承著述甚富甲於嶺海歷久頗多殘缺銘父達卿廣為購求

次第付梓銘善成父志不惜重貲復加搜羅補緝校刊祝志云按

銘跋唐音類選達卿始得雙槐歲鈔粵洲皇極經世書傳泰泉詩文集樂典庸言六藝流別後得唐音類選復得小學

古訓羅浮山志皆重梓現惟八種而羅浮山志未見殺青先世有祠在會城承宣里毀於

兵燹達卿極力經營僅能恢復舊址銘復捐資創造堂宇先

人雙槐嘗建友琴堂泰泉有涵一亭遺跡就湮銘買地蓮峯

之陽重建亭館與友人讀書其中家學相傳勿替暴性儉樸不嗜紛華然於宗族兄弟內外戚屬常推食解衣子弟之秀者資以膏火歲飢出粟助賑受惠者眾宇內知名之士遊嶺南者必造廬請謁云張府志

郭蘭芳字大振肄業國子監考選州同少孤事母孝年七十餘猶戲母側以博歡笑嘗有同舟人溺水隆冬盛寒命在呼吸間芳獨出重金援之康熙丁丑饑首捐穀餉賑癸巳又饑復捐賑煮粥於通衢存活不下數百人兄弟同居財產毫無所吝卒年八十八曾孫德鉅乾隆庚午舉於鄉暴德鉅字憲時官江西布政使司庫大使悉除陋規爲方伯馮應榴器重告歸邑人以克敦古誼推之祝志

黃時應字天行康熙己卯舉人任昨城令邑民逋賦應減耗香山縣志卷十四列傳上 國朝 十六

輕徭民困稍紓辛丑昨大饑應設廠煮粥平糶勸粟親歷鄉村民沾實惠已而奉征舊欠洞察莫償應罄家資代完逋稅並償倉穀三千餘石壬寅運米口外崎嶇萬里餘籌畫悉協機宜升斗無損部以軍功議敘旋丁外艱歸百姓如失慈母云張府志

劉信烈字乾可大攬都人七齡下筆輒有奇氣人以奇童目之暴康熙己卯舉人授山東夏津令習俗強悍信烈撫以恩

威持公秉正摘發如神張府志案無留牘市虎斂跡性抗爽好造士設立義學捐給資脯夏津縣志庚子甲辰兩校鄉試尤加意

單寒寒冬於貧士饋金贈米士人德之歲饑蠲粟散賑費至二千餘金藉以存活者無算他如修文廟築河堤捕蝗蟲凡有益於公事者悉以力行尋奉檄輓運邊庭以病謝歸年八

十二卒著有直菴詩賦二卷運米詩集一卷歸來吟七卷張府志

志鑑纂二卷筆記三卷俚語一卷暴志

侯次公字應三東門人暴志家貧力學補邑弟子員旋舉於鄉

會試歸益潛心於學經術湛深明體達用與邑人梁容洲李

綱菴黃補齋遊時以道德文章相切劘毅然有經世志思以

其學一試於時東裝詣京師需次尋以病卒著有詩文集若

千卷張府志子成志乾隆庚午舉於鄉暴志

陳國敘字賓穆以諸生遊太學親歿尋葬地投宿荒舍虎突

至門竟不敢犯兄弟同居一門之內怡怡如也有乘醉以瓦

石擲其居者置勿較嘗先期積穀值凶歲舉以贍鄉人無失

所者同上

陳國光字賓王四字都莆山人暴志文章典核高古出入公穀

香山縣志卷十四列傳上國朝七六

左史之間棘闈十三戰不售好學不輟文章行誼為名諸生

康熙三十九年歲薦兄國敘弟國鼎皆有聲庠序人比之太

邱之子云張府志

梁金震字允大康熙壬午舉人選除黔之安化令地小而瘠

震至杜苞苴絕請託課農桑興學校教化大行未幾引退歸

杜門却掃邑長高其風年八十著有茶筠詩集六卷刊行文

集四卷暴志

楊煒字晉九龍眼都人舉於鄉賀客踵至煒愀然曰忝竊科

名親已不逮何賀為患鄉人多廢學者乃葺茅齋聚里中子

弟訓之足迹不與外事遊其門者多所成就云同上

楊屏字翰遠翠微人痛母早逝每遇諱日輒悲泣不食事繼

母如所生兄弟六人讓美分甘性尤豁達好施歲饑首倡捐

賑復捐已田開鑿溝道灌溉村田數十頃旱潦無虞鄉人德之為文章雅好史遷暴志足跡所至燕齊三晉吳楚江淮間隨遇作為詩歌縱橫有奇氣領康熙戊子鄉薦張府志雍正丁未搜遺拔第一授昌化教諭旋升直隸固安縣知縣著有缶鳴

集暴志

蕭一彬字非野大浦人暴志邑諸生性謙和坦易生平無疾言遠色教授生徒六十年循循善誘家故貧而廉隅謹飭衣粗食糲隱約終其身人益重之著有四書廣義書經要解若干

卷張府志

鄭曉字燦侯肇嘉長子以附貢生知山西樂平縣清白自矢躬校簿書以興文教安民生為亟務樂平學狹隘捐俸廓之創書院於縣治西出貲為諸生膏火費邑多雜稅久相沿民

香山縣志卷十四

列傳上 國朝

六

苦之曉謁上官力丐免民賴以蘇距城三十里有沾水勢洶洶河隄一溢廬舍皆傾曉發帑金疏濬民慶安瀾在任五年去宦橐蕭然百姓為立遺愛碑歸里建曠觀山房延師課子孫不復出子士宏字德涵以貢生授教諭乾隆十八年陞江西布政使司經歷江西俗多溺女士宏欲革其弊請於上官嚴禁之仍不息士宏令役偵之違者逮治女孩長稱為鄭父鄭母焉江右地瘠民頑多行不軌士宏夜行廉知奸宄即懲以法雖豪強不少貸在任三年丁艱歸以不獲終養為憾遂不復仕遇父母亡日輒飲泣流涕云採訪冊何仞樾字雨師小欖人由電白縣歲薦南海志授南海司訓文廟旁為旗兵居宮牆內外幾成牧馬之場仞樾謁將軍極陳污穢狀得示禁止廟東隙地久為旗員所踞樾捐贖構講

堂進諸生課誦其中歲科脩脯及常禮悉峻却而貧無膏火死難殯殮者咸仗助之志雍正初增廣邑學額擢力請獲濟

祝志 詳宦 續余錫慶傳尋以足疾引退孫大佐乾隆辛酉舉於鄉志

高凝字鼎重濠兔人性嗜學博辨該洽由歲薦除廣甯訓導

嚴介取與不苟贊具脯脩悉謝却之布衣疏食晏如也尋以

病卒於官囊橐蕭然門人爲紀其喪歸日哭送於道者不絕

區喬字木參邑諸生大緯子詩字踵武前人康熙癸巳歲入

都祝 嘏進四言詩 詔南書房纂修乞假葬母

年七十有七廬墓海門俱同上

鄭三才字兼將歲貢生暴志 選舉 作例貢蓮塘人幼喪父哀慟若成

人觀者動容事同懷兄四人愛敬肫篤康熙癸巳讀書上涌

村舍草寇竊發鄉人失措三才設策守禦寇不敢近業師黃

香山縣志 卷十四 列傳上 國朝 九

仁山貧未舉子用已貲爲之買妾因得子里有惡少年寇橫

無忌三才諭導之少年感泣化爲良民其與人爲善類如此

張府志

陳讓字遜揚莆山人少失怙奉母孝事兄恭謹如嚴君壬辰

癸巳間菜色滿目而其鄉藉賑存活獨無饑者暴志

黃元惠字廣濟雍陌人善事親母癱疾躬親湯藥滌廁踰四

十餘年不怠撫族人孤子女如已出與叔巍生施濟宗族多

所全活康熙癸巳邑令邱鈇表其門曰好義一家乾隆間舉

鄉飲賓卒年八十七子二人邑諸生孫紹庭戊午鄉薦官四

會訓導著有學庸要錄文集撫吟詩草祝志

歐國平西門人事親孝父病長齋茹素沿道稽首禱神願以

身代居喪毀瘠骨立母馮氏泣曰兒誠念父母不爲我計

乃矍然起經營葬事未數年母病且篤國平晨夕侍藥號泣呼天到股肉以進母食之果愈暴志

劉光煥張府志字紹同大欖人暴志天性孝友鄉里無間言少

嗜學博涉羣書工詩文中康熙癸巳科武舉會試下第歸適

其父歿於安南擗踊幾絕遂束裝附客舟奔喪至中道颶風

大浪舟覆歿於海張府志

李火地字紫宇性端慤少讀書家赤貧以傭筆為業刻志力

學康熙丁酉鄉薦選授直隸阜平縣知縣改就澄海教諭有

諸生犯律餌以五百金欲緩其責卻不受卒於官邑士及諸

生經紀其喪輿櫬乃歸祝志

何積字善家歲貢生暴志選舉小欖人少孤遭喪亂流離播

遷失其母墳稍長尋之叢林深谷間足跡幾遍每逢寒食日

香山縣志卷十四

列傳上 國朝

三

輒悲鳴不食如是者十年一老翁感其誠指而識之性友愛

事從兄如嚴父家非裕而輕財好義有孝廉梁三壽者主其

家陡病藥罔效醫者促其歸積曰吾家即若家何以歸為踰

二日壽卒為之治喪殯殮如禮人益難之著有逆旅山房詩

若干卷暴志

麥陟瞻小欖人父死四月而生母羅氏柏舟自矢康熙四十

年旌嘗以不逮事父為憾奉母益謹母善病長齋籲天請代

母歿哀毀骨立其舅氏死無子為置田擇繼閭里中死而不

能殮者與之棺殮而不能葬者與之地今駝峯陽高墳纍纍

者即其義塚處也同上

李韡字茂觀恩貢生沙涌人暴志天性孝友居喪不食鹽酪處

兄弟恩愛父析產韡讓與諸弟惟以脩脯給朝夕究心程朱

之理授徒講學悉本白鹿洞規條生平端方正直終日不見疾言遽色著有四書析義五卷詩經辨疑四卷文集二卷詩

集二卷張府志

鍾士傑字端岳邑庠生生四歲喪母善事繼母庶母父歿異母弟長者六歲少者纔六月士傑誦讀之暇專任家督析遺產代兩弟綜理之凡出入必具數隨子粒多寡無隱弟既婚娶悉還之會有家難身當之不以累兩弟在庠四十五年學使者嘉其德行數見優禮申志

徐士桂字貴任世居前山寨家貧採樵至風門坳山路截案歎曰他日得志必闢此以利行人後筮仕時即踐其言官至春江協鎮軍政赫然年七十告歸睦鄰恤族鄉人德之卒年七十八祝志

香山縣志卷十四

列傳上 國朝

三六

楊而和字大樂邑弟子負性純孝年十九丁內艱水漿不入口哀思三年未嘗見齒兄弟四人式好無尤其訓勉諸弟諄懇備至所學以主敬存誠為要座右常書西銘四勿箴自警來從遊者不問脩脯厚薄咸盡心啟迪之諸生進退俱揖讓行禮遊其門者蹈履之間彬彬如也生平一介不苟取脩贖所入悉以奉親暴志雍正元年拔貢入都屢試第一雍正甲辰科北闈舉人著有詩文集若干卷張府志

方嶙字岫山少孤兄弟四人仲叔早世嶙事母與伯兄岳克盡孝友復撫諸孤以明經充內閣纂修官尋丁內艱歸撫棺大慟絕而復甦自是身不安席口不甘味常抱終天恨見者憐之遇事引義剖決無依阿態雍正二年增廣學額邑在增例張府志為鄰縣豪猾所沮嶙慨然赴大吏籲請事乃濟暴志

鄭元衡字英客蓮塘人天性孝友內外無間言性倜儻好義修家廟立祀規賑荒年擘畫井井有條雍正二年奉

旨增廣學額邑人文茂盛例得增邑令余慶錫據實詳請會

人奏期迫而嚴冬北風大作水驛稽遲元衡乃攜文書坐小

舟出沒風浪中一夕達會城告投香山遂得廣額至二十名

暴時有何德強者亦與其事德強字文修增貢生小攬人往

復達邑令不避艱險云祝志

何聖強字文作小攬人暴貢生按何氏家乘作附貢生性好義自癸巳

至癸丑五值荒年聖強疊捐米二千七百餘石藉以存活者

無算復捐田濟宗族之貧乏者建社倉積穀為里鄙備荒用

屢舉孝廉不就可謂踐履篤實好行其德者矣張府志大吏採

郡縣議以其事上聞授八品頂戴雍正十一年聖強復捐米

香山縣志卷十四 列傳上 國朝 三

六百二十石復題授七品頂戴敘其事附入 上諭朔

望宣講為好善者勸暴志

黃與京號會同少讀書知大義其族與鮑譚兩姓同居園林

小村百有餘年矣與京愛犂岡山水之勝雍正壬子出貲贖

得其地胥三姓而遷之負擔版築之費有弗給者與京罄其

資助之鄉人感其高義因以號名村曰會同採訪冊

麥人寵字錦江邑諸生大攬都人暴志嘗奉母避亂中途遇盜

欲傷其母寵伏地哀號誠惻切至盜賢而兩釋之兄弟同居

終身無閒言家貧人有贈遺必峻拒之講學數十載常以敦

行為本生平於四子書尤所究心著有研精錄二十卷植槐

堂文稿四卷張府志長子巒字翠嶺歲貢生少聰穎博覽關閩

濂洛諸書主書院講席十餘年遠近學者稱為層巖先生暴志

家貧清操自矢布衣蔬食泊如也邑長高其風欣相結納然非公事未嘗至其庭生平積學於九經性理左國諸書皆手自點定既沒門人輯其編年課藝四書語錄三傳析義層巖文集成數十卷張府志孫德溢字沛遐乾隆己卯舉於鄉任海康教諭有世家子以重賄請報優行不許獨舉唐某一人試果冠軍俸滿當遷以年老辭不赴家居邑侯聘主講豐山或有請托輒謝却之卒年八十一祝志建瑞德溢子字穎皆以增生貢太學父母病湯藥必躬親晚年以授徒代耕戚友有困時解囊周之採訪冊

繆時鳴號西冷少孤事母兄以孝友聞性倜儻仗義人以急相投罄贈無德色善屬文尤長詩賦生平酷嗜山水嘗往來羅浮四百名峯所著遊草載羅浮志其雲蘿洞及七峯唱和

香山縣志

卷十四

列傳上 國朝

三六

南岳紀遊諸集藏於家張府志

劉君彩字而先仁和里人暴志博極羣書著三才要覽續輟耕

錄一卷雪溪詩一卷晚號沛泉逸叟榜所居曰樂道張府志年

九十三讀書挾策而逝申志

李雋字方青沙涌人少聰敏弱冠補邑弟子員暴志事親色養

備至居喪盡禮及耄猶作孺子泣每晨夕奉先展拜始詣塾

與生徒講學其教人以知言為先自得為本躬行實踐為究

竟張府志家非素封而瞻宗族急窮交賙孤寡咸竭力為之暴志

性溫懿獨嚴於訓子故諸子迄有成立長仙枝己酉舉人雋

著有四書講義五卷聖學蒙筌二卷存齋文稿六卷存齋詩

刪二卷張府志

揚節字式卿歲貢生潛心易義河圖洛書之旨研究精微占

卜多奇中傳中丞耳其名延至幕下以不耐應酬謝歸杜門

課子著作富有性嗜酒談古今人物娓娓不倦張府志瓶無儲

粟晏如也暴志晚歲學養生法論著黃庭經二卷九峯詩文集

十二卷張府志

鄭懿字秉淵歲貢生暴志選舉一岳孫少孤讀遺書輒潸然

淚下遇父諱辰竟日悲鳴不食事母孝能委曲得其歡六十

年如一日暴志友于兄弟伯兄死無子以次子為兄嗣喪葬悉

出已貲兩遇歲饑倡蠲散賑藉以存活者甚眾生平湛深經

術夙負盛名子作霖廩貢生為文頃刻千萬言詩亦豪放少

年抱經世才思一用其學於世東裝赴選旋丁外艱因營葬

地舟行遇風卒張府志

何儒字席珍幼以孝友聞執親喪骨立比葬築室墓旁晨夕

香山縣志卷十四

列傳上 國朝

香

號泣聞者憐之與弟衡友愛肫篤白首不析箸故人李某家

貧五喪未舉厚助之悉令安葬乾隆元年薦舉孝廉方正辭

弗就以明經終同上

李修凝字開至祖父由會遷岐歲貢任開平訓導崇正行敦

倫紀力更士習老告歸闢紫里怡園嘯詠其中兩舉鄉飲賓

卒年九十三祝志著尚書正義小香亭稿宦遊草學使惠士奇

題其集有香山香瓣接江門之句蓋白沙桑梓儒宗尊聞行

知於其道實有所得不但聲籍偶似也盧文起李惺齋墓志

何士蛟字冀北少學騎射補邑武生旋改文乾隆丙辰鄉薦

丁巳登禮闈明通榜任龍巖州州同公正愛民州鹽價視米

價為低昂商人欲增鹽價饋以千金不受商寅緣大尹業已

給示士蛟抗言事關民食誓以一官庇民乃中止州人感德

樹大旗於道以表之署留洋縣革糧務折色加耗舊規調署
泉州海防同知因病告歸卒年八十三子子攜茂子鄉薦志

韋易字文衍翠微人景志邑諸生寄清詩酒周覽羅浮丹霞諸

勝所至題詠落落有奇氣雍正乙卯膺歲薦乾隆丙辰應舉

博學鴻詞合省得七人易列第三已給谷就道緣病謝歸年

八十卒著有四書詠解尚書毛詩詠解數十卷四書制義四

卷詩文集四卷張府志

陳書字元官西門人性耿介安貧樂道研究理學工文藝詩

翰乾隆戊午舉人祝志任河南嵩縣知縣邑有強奴以賈致裕

叛其主復奪主人之女為妾屢控於官奴以賄通官吏不得

直及聞書宰是邑將復控奴懼使人道意致千金為壽書怒

卻其金將拘之隸役皆與奴厚謂曰得毋不滿其欲乎復益

香山縣志 卷十四 列傳上 國朝 三

數百金獻之書益怒立拘奴至昔受賂者皆為緩頰書不聽

而奴已援例授職岸然入書褫其冠帶長跪受訊遂科其罪

以薄產資其女以終舉邑稱快書知為大吏所忌遂乞假歸

黃芝之園小記講學香山書院以廉隅勵後學晚歲道益高邑令常

造訪時有服親罹法而書語不及私嘗預修邑志以議不合

去所著光屋文稿四卷祝志冀北王植謂其步泰泉而祖白沙

腴於道德發為文章義利之辨素嚴而身心性命之地確乎

有所見故可傳也王植光屋文集序卒年七十一祝志

鮑士鱗字萬振香山場人乾隆五年歲貢性和厚篤於友愛

仲兄無嗣命其子繼之為置田百畝以厚其業鄉人有借貸

者度不能償輒焚其券及寢疾鄉人戒毋放紙鳶恐聒其耳

云

鄭江界涌鄉人乾隆辛酉舉人教授邑里貧者卻其脩脯以金助之居平砥行立名端方不苟彭邑侯嘗謂有澹臺子羽風云子上階乾隆癸卯舉於鄉任陽山教諭俱同上

高肖字倫憲辛酉以五經舉於鄉春官報罷杜門講學益肆力於詩性剛介張府志竹逕陂水利鄭姓者奪而縈其鄉肖聯名控官不為利害怵卒復故道輿論壯之採訪冊著有四書文集四卷北行草二卷刊行介英堂集四卷張府志

鄭述任字萃望蓮塘人少孤事母先意承志數十年如一日教育幼弟古音為名諸生未幾歿全孀撫孤無間言熟三禮乾隆甲子舉於鄉重然諾嚴取與而其與人交則和平坦易邑東門自前明改開文明寢衰述任毅然倡捐脩復合邑稱之暴志

香山縣志 卷十四 列傳上 國朝 天
黃應溪嶺南羣雅集作應南字衡大天性純篤乾隆丁卯鄉薦官江西瑞昌令所得廉俸悉與兄共之祝志每對珍羞未嘗不思父母潛然出涕嶺南羣雅集卒年七十三家譜

楊仁字澤西申明亭鄉人太學生乾隆戊辰隆都修河道設義渡以濟行人工費不貲仁捐田三十畝以成其事都人義之請於邑令旌其閭卒年八十八祝志

韋潮字學韓翠微鄉人歲貢生性孝謹父母既歿每月必哭拜於墓前遇諱日閉門終日淚泫泫下家貧刻苦讀書至老不倦動作必依於禮所遺書一點一乙皆無所苟云著有四書敘說二十卷

盧文起字深潮上柵人受知惠學使士奇補諸生第一旋即食餼乾隆十三年成進士是時士奇罷官歸吳貧售所居文

食餼乾隆十三年成進士是時士奇罷官歸吳貧售所居文

起合同門生贖金六百贖之傳至都下有弟子贖回紅豆齋之句遂成美談謁選得湖南臨湘令調貴州仁懷縣山僻民貧往往醫子女償征稅猶迫追呼文起至寬貸之立除其害人苦不知書文起頒刻詩文數種以為程式文教以興時有某婦與奸夫謀殺其夫者投山穴中訪數月得屍不變吏白當拆驗文起曰傷痕故在而必拆其屍伊何罪也因請於撫軍謂貴州山高土厚凡屍不變而可驗者概勿拆撫軍嘉納方擬登薦刻病假歸旋改教授仁懷民為建遺愛祠家居與兄文興友愛最篤嘗率鄉人作官浦橋民免病涉張司馬汝霖有記紀之俱同上

鄭基字築平得都人同上少孤力學為諸生以詩文著聲邵晉碑墓貢國子援例移名吏部以知縣用述行筮仕鳳臺鳳臺於鳳

香山縣志 卷十四 列傳上 國朝 七

陽府為偏縣碑墓基下車輒問民疾苦祝志縣之東北鄉有通川三日黑濠曰涇泥曰裔溝滙頴上蒙城諸縣水以達於淮縣人統謂之三河歲久三河盡涇上流水無所洩秋雨暴漲挾懸出反入之勢爭注鳳臺彌望成巨浸農時失業碑墓基因郡守具牘上請時裘文達以戶部侍郎出治淮頴諸水先與江南大吏集議所濬地址獨不及鳳臺疏稿已具矣得牘頗難之基侃侃陳利害祝志及畚揭木石之用廣袤之勢程功久暫之期僕指無遺算碑墓裘廣其才為補疏得請不逾時工蕪民不知役農安其居祝志縣偏隅有魯松灣地遠於淮而土勢窪下瀕歲患潦碑墓基捐俸為之倡士民繼之築建隄障遂成膏腴祝志調定遠縣知縣舉卓異擢壽州知州碑墓權知徽州府望謨以上考保留復知壽州祝志州與鳳臺接壤基故知州有安

豐塘周百里灌田四萬頃楚令尹孫叔敖所治之芍陂也歲久塘圯爲農田思基墓制復繕舊塘爲水門三十六爲閘六爲橋一其旁則爲場爲堰爲圩啟閉以時汗萊悉闢嘗循行阡陌見沙地磽确多不治以爲古者濬鹵沃瘠分殖五穀宜仿其意行之教民種山薯積佐麥菽壽州不知蠶織而地多椿樹可飼蠶迺種於山東教之飼養於是壽州農功桑功並興其後鳳陽亢旱民多流離獨鳳臺壽州以水利之脩收成稔於他縣墓基在壽三年令行化洽升泗州知州會水災蠶書撫賑饑而不害志擢淮安府知府淮安故水鄉基夙諳水利謂聚眾水以爭一門淮所以潰也疏之其不可緩於府之東開濬東鄉澗市河於北則開漁濱山字河於西則開護城河壅滯既通田陌資灌溉引其流兼以濟漕運民

香山縣志

卷十四

列傳上

國朝

三

便之墓基於水利講求最熟退食之暇涉覽前史遇河渠水利圖經諸冊丹鉛殆遍以故源流洞悉行之亟著成效授江南分巡道 命甫下卒年五十六弟作邦字省岐與基

均財無畛域官台州府鹽大使告歸率先勸建

萬壽

宮修復尊經閣立五峯書舍於濠頭鄉以訓子姪爲族人設義田以繼絕祀閭里推重著有鼓腹樓詩草基子三人應元應翰最有名應元別有傳應翰字遙川少以詩古文名乾隆六十年優貢嘉慶六年順天鄉試舉人官大理寺左評事兼右寺丞以讞獄平允稱旋病目與兄應元同乞假歸應翰性恬默博識精鑿所居室列圖書尊彝數事而已志

劉鶴鳴字禹甸城東人

曉松堂文鈔

乾隆庚午舉於鄉官欽州學

正謫湖南澧州授徒講學從者常數百人

學使白銘撰本集序

寓澧三

十年性情靜垂簾一字或借一二知己尋水望山吟詠自適
晚年學益邃問奇者日益眾善決科能文者多出其門學者
稱松崖先生嘗論詩謂如建章宮千門萬戶當閱歷使遍然
後挾去藩籬別尋妙悟欽黃承增其題李遐齡詩曰在心為
志發言為詩讀之而茫不知其志之所存詩云乎哉勺園詩
故其詩緣情指事因物寓懷松崖之詩松崖之性情也本集
序 粵詩人近推馮敏昌為一大宗鶴鳴雁行其間當無愧色

嶺南兼工於文湘南碑版多出其手當事憐其才尤重其品
授以館遺以金則又毅然不受本集揚瑞序 尋釋歸以病卒於家

著有松崖詩鈔粵東

李遐齡字芳健修凝曾孫歲貢生幼穎異親有憂戚婉詢曲

慰如成人梁燭或怒責諸兄弟輒泣跪求並責家故貧授徒

香山縣志 卷十四

列傳上 國朝

五

奉母兄嫂早世撫其孤踰已出弟彭齡卒亦如之祖祠祭田

為豪家所奪父若蘭將訟之而歿遐齡承父志卒復所侵田

族人酬以金却之七歲學詩時有奇語祁雋藻尤長於樂府

劉鶴鳴在禮時讀其詩謂為桑梓夕秀祝補弟子員歸里與

順德黎簡遇於舟中談詩達旦歎曰此今日南金東箭也江

西吳高梁謂其挺脫處似楊誠齋瘦勁處亦似二樵云勺園

從兄瑩書字芳潤舉人石城司訓祝志分纂詩與遐齡齊名

麥子淳字甯洲少孤力學乾隆庚午鄉薦歷官山東金鄉縣

知縣東昌府同知丁內艱起復署廣西泗城潯州太平府知

府尋遷知湖廣襄陽府愛人濟物政績卓著乾隆二十六年

曹州十四堡黃河水漫奔注金鄉巷陌皆成河渠子淳籌畫

盡瘁拯救數萬人泗城與西隆州為鄰西隆夷民怨殺吏目

諸酋懼討將謀拒命撫軍駐兵泗城進勦子淳力請親往開示禍福罪人可得如言不效願先下吏以正詒誤軍國之罪允之乃肩輿減從而往諸酋偵知之率眾數萬人迎於數十里外咸曰麥使君來吾等慶更生矣歡聲聞數里膝行解甲感泣受撫擒倡亂四十餘人置諸法餘無所問襄陽城西北臨襄水堤薄易潰久爲民患子淳捐俸築老子等隄八段水患遂已五十四年移病歸卒年七十

祝志

鄭交泰字協德平嵐鄉人少讀書強記番禺莊有恭見而器之屢試不售由例貢生就銓揀發廣西補蒼梧縣知縣丁內艱起復知安徽望江阜陽縣遷亳州六安州知州擢嘉興府知府授浙江督糧道失察漕案降調歸交泰性英毅善聽斷能以片辭折疑獄當其平反雖大吏盛氣臨之不能奪其署

香山縣志

卷十四

列傳上 國朝

三六

上林也有謀殺人於河中者初不得主名其妻樊曰殺吾夫者必盤特串也前官坐樊知情以同謀擬磔交泰至疑而慮之樊在母家嘗與盤特串通將嫁盤特串曰吾必殺而夫及夫見殺故知之而實非同謀申大府不許以去就爭卒得釋南陵知縣陳科聯者潮州人也以贓錢六十千被論時交泰署懷甯縣撫軍雅聞其能檄審之得其胥役及家人作好情弊陳坐失察以稿入復撫軍聲色俱厲責曰而爲同鄉徇邪且擲其稿於地交泰俯拾其稿徐對曰按牘載勒賑者五人今五人欠繳穀六百餘石陳令果貪豈索錢六十千而止况陳令首捐米二百石縱貪六十千之錢何不少捐三十石之米而作此周折乎且察其事與官無涉何用徇爲大人原籍浙江今隸屬下者不下十餘員平居接見及題升調補未嘗

異視今乃以徇同鄉罪審者何待已厚而處人薄也撫軍默然旅見者六人莫不咋舌而交泰進退如度明日案定從交泰議知亳州時滁州有高永威者與其黨八人橫劫旋獲二人於定遠縣據詞當五人論斬二人遣配一人枷校發落而已有司鍛鍊周內之以論斬七人題達尋獲四人其詞與前二人如出一口年餘案不能定撫軍檄交泰至鞫之執五人論斬之議提刑怒欲中以失出罪交泰抗言曰獄貴得情耳以二命易一官亦無所恨且定遠滁州初報猶在失出罪也失人非罪乎若以題達爲定則皆斬之可矣奚審焉長揖而出後撫軍廉其實以交泰爲然提刑亦悔謝當是時交泰治聲聞於江南北凡疑獄積年不能決交泰一再鞫必得其情性勤敏案無留牘嘗以旬日斷釋積囚四百餘人民免拖累

香山縣志

卷十四

列傳上

國朝

三

六

苦囹圄幾空去後百姓皆思之所至無不以爭得好官爲快嘗獲巨盜韋某憐其才釋而用之羣盜皆戢後去官韋挈壺樽送於數十里外其自都還過故治亳州雪甚沒馬腹蹇於行民有佐牽轡進酒食者初需次都門謁陽春謝仲玩謝故湖南循吏語之曰讞獄而用刑何以得情惟平心靜氣以情動之以理折之彼卽徧強狡猾第令直跪一二日徐與之言言多必有破敗從其破敗追求之則其情露矣旣畢言其情令少休且飲食之復問越日又問者三事之次序年月如一則爲真情無疑否則跪時假捏耳君其慎之交泰用其言故歷官州縣二十年而招解罪人未嘗翻一詞云

方發字肇餘谷都人由監生就銓授溧陽縣丞權知縣事有牛鬪觸牧童死其父以謀殺告發廉其情平反之時陳文恭

公爲江蘇巡撫屢飭發執議不移益堅卒得直文恭大器之
調常熟吳江縣丞吳江丞分防盛澤鎮其民好博丞藉爲利
歲得陋規不下三千金發下車屏禁博風遂絕升江西峽江
縣知縣數年對調江蘇安東縣縣故有水門曰便民有小河
長一百二十里由佃湖出鹽河以瀉城中水乾隆五十一年
黃河溢乃淤每積雨舟行市上附郭田成湖不可耕民苦之
發循行得故道謂疏之便請於上官不許卽捐俸爲倡民相
繼效命不逾時工竣遂無積水患農田復興尋引年歸發才
識明敏練達吏治所在治績著聞及歸邑令堯茂德許乃來
並諮訪之卒年七十五

方芬字清獻谷都人乾隆二十一年舉人歷徐聞陵水教諭
升安嶽廬江縣知縣廬江故多積案芬以三月清治之無留

香山縣志

卷十四

列傳上

國朝

三

六

滯者安嶽旱荒告糴於廬江者如雲將不給芬曰過糴非古
也然固執古道吾民先死盍通權以生吾民遂過之民賴以
無飢尋丁內艱服闋補直隸赤城縣知縣其地瘠民貧不知
書童試止十數人芬設書院以示之學令曰凡應考者免其
徭役且勒碑於書院垂爲永例期年而試者數十人民拙於
耕稼芬教以築墾之方增田萬餘畝新舊之田地力未洩種
皆倍收漸以饒富大吏以爲能調署延慶州知州以差務累
民申辨求免不獲告歸就高要教諭卒初芬丁母艱貧不能
反奉母櫬居蕭寺中士大夫感其治乃爲備舟楫百姓設櫃
於四門雖樵菜備無不樂投錢其中不數日得數百金持以
贈芬遂歸及起復過廬江父老歡迎以爲芬復出猶將再莅
其縣云兄華字輝垣乾隆癸酉舉人熟精文選事母孝授徒

於外越日即自塾歸省往返三十里恒不以爲勞弟芳字若洲諸生華早卒猶子天根僅四歲芳撫之踰已子勵以學術行誼有名於世

鄭文喬字應參濠頭鄉人性好義嘗自田庄暮返有自經於樹者以負債故救歸付二十金代償之乾隆戊寅歲飢捐穀數百石助賑邑令表其門俱同上

黃紹統字燕勳前明祭酒佐七世孫史傳父冕以文受知惠

學使士奇早卒統八歲而孤即知媚學家苦貧嘗啖數螺畢

一飯怡然自得而奉母則甘旨常充母卒卧靈帷側三年不

入內室撫兄之子女如已出以次婚嫁乾隆己卯舉於鄉選

石城訓導進諸生以聖賢實踐之學隨其資性曲爲接引詩

文書法皆有程式咸樂信從英彥蔚起家傳單寒之儒尤加意

香山縣志卷十四

列傳上

國朝

三

六

拯拔有父子兄弟同堂及門及年屆髦期尚躬行執贄者一

時學者皆稱仰山先生祝志仰山者課士之堂也嘗自署堂楹

云爲倫類中所當行之事作天地間不可少之人嶺南羣雅在任

十八年擢瓊郡教授士民餞送二十餘里設供帳三百餘所

爲從來司鐸所未有也史傳瓊有劣生被禡賄以數千金求

復不許復浼上官關說正色以拒曰吾焉用是不義貨遺子

孫乎家傳卒於瓊瓊人弔唁不絕石人渡海進哀誄辭喪返經

石城士民各素衣哭奠充塞道路柩抵會垣泰泉舊里石民

來客此者咸過問訊大比之年石士赴省試先式其閭門首

懸鄉薦額一日候有異地村豎踰跟趨閭前審視門額即五

體投地詢之爲石城李氏子蓋其戚族多列門牆日誦口碑

偶經五羊持百錢令人導至庶幾瞻拜德門少抒誠敬實未

觀其顏面者統博學能文尤長於詩祝欽州馮編修敏昌少時至會城見其詩大為傾倒遂訂古交時人比之廉慶史傳

其詩不炫異不求工不規規摹倣即事抒懷自合溫柔敦厚

之旨詩海嘉慶十有七年 國史館開儒林文苑兩傳之局

徵其遺書上之仰山堂著有仰山堂遺集古文五選石城縣

志舊志脫畧過多為稽獻徵文補其未備特次養濟院於寺

觀後謂僧道皆無告之民有寺觀以居無告天下無一夫不

獲其所矣體例獨創而善亦隱然胞與斯民之意時論躋之

家傳 新修石城縣志名宦有傳 祝志

李振芳初居鎮南村未成鄉落務農勤儉積百餘金盡捨以

創闢里閭卒後祀義祠同上

詹官字煥賓乾隆庚辰鄉薦由大挑試用四川初署梁山民

香山縣志 卷十四

列傳上 國朝

三 六

為勒去思碑時值金川軍興委解軍餉馬匹事平改發貴州

厯署青谿施秉縣廣順鎮甯開州均有政聲補餘慶值歲荒

設法賑卹存活甚眾創他山書院宏獎士類嚴緝奸匪良善

以安宦黔十餘年歸里貧如寒士阮通初官去職旅居貧乏

民時以錢米饋之有鄉民呼冤於其邸門外者旁人推之不

肯去曰是吾舊父母也豈今日不為吾民剖析乎既歸里黔

人有賈於廣州者猶問安否不絕其遺愛在人如此祝志

陳蘭芝字拂霞小黃圃人補弟子員官山東高唐州州判同上

州南舊無河歲常被潦患民就食他所蘭芝閱地勢得漯河

故道凡數百里直抵禹城湮已久請於上官奉檄督濬役民

夫萬餘人工未半疾作雨至州長議且罷役蘭芝慨然曰河

稍疏而下流壅一旦水決是以鄰為壑可乎亟力疾禱於城

隍神獲晴露宿河干督役工甫竣潦果大至田廬無恙州民與鄰境之民皆歡呼爲陳公河會築城垣蘭芝於估計外命多造輒數百萬坎而瘞之州長以糜帑詰蘭芝曰城工保固十年限內補葺無開報例乘便豫備不至重費勞民也明年夏雨西隅陡塌卽發前輒發治役不告勞人咸服之金川用兵上官廉其能令解兵餉百餘萬赴軍經蜀道阻雨雪眾哭欲死蘭芝結以恩信崎嶇萬狀曾無反顧者及抵軍門尙未及限嘗搜緝王倫餘黨分別涇渭多所存活路見遺骸惻然淚下或謂逆骨何足惜蘭芝曰愚民從逆 國法已申掩骼蕪骼以廣法外之仁不亦可乎因命所在檢埋數縣遺黎聞而感泣尋以軍功優敘蘭芝忽勇退病假乞休州南百萬家願禱以身代去之日哭送數十里不絕解組後遍遊泰岳嵩

香山縣志

卷十四

列傳上

國朝

三

八

華及西湖天台雁宕羅浮諸名勝行撰有嶺南風雅魯蜀文獻錦巖志畧增補校刊則有家禮辨定嶺南名勝記願體集等書祝志

何大鯤字滄北乾隆壬午舉人任羅定州訓導同捐資擴學署日與諸生習射賦詩士皆奮勵以足疾告歸去官日祖餞傾三羅大鯤早孤奉母母不憚必長跪霽顏乃已家中貲而爲族屬營葬者七人嘗代鄰買宅既諧而售者中悔乃自出金五十以成之鄰初不知也鄭應元何化池墓誌晚闕隱泉寺嘯詠自娛著有化池詩文集羅陽續志草卒年四十八祝志

麥佑字啟正小欖鄉人乾隆三十四年進士授刑部主事升山西司郎中佑生有異質讀書能過目不忘人皆以神童目之至是治申韓家言才識過人每有疑獄尙書輒令專平皆

成信讞居嘗念刑律出入生死所係故性雖明敏而定一讞必極躊躇審慎往往形於顏色秋慮囚披稽案牘夜至漏下數十刻猶聞歎息聲家人請小休則曰吾職也子姑去四十四年俸滿記名以繁缺却府用時劉文正公以大學士管部事雅器重佑謂秋曹中有識而能斷無出佑右者惜佑去遂奏留旋積勞卒生平無他嗜好惟耽書甚退食暇門無雜賓但手一編曰吾以代宴會談劇也著有惠遊詩草漾波樓詩集咸齋文集初佑之曾祖吉祥字旋甫邑諸生前後捐田二百餘畝爲祭管業以詩書督課子姓甚勤自童試以至公車皆有飲費族人德之後以曾孫佑官贈中憲大夫故事四五品官封贈不及曾祖時

覃恩新令許陳情遂邀

曠典人以爲積善報云

香山縣志

卷十四

列傳上 國朝

三

方世瓚字在中谷都人監生援例移名吏部以府同知用分發貴州署錦屏天柱鎮遠等縣貴陽府分駐長寨理苗同知會苗獠不清屢服屢叛世瓚單騎招撫諭以德威苗人縛渠魁以獻後以丁艱歸

俱同上

何端珣字瑜璧以通判署甘肅古浪知縣地瘠復被霜災民不能耕端珣亟請於大府借籽種六千餘石散給口糧七千餘石民以蘇改權洮州府同知時布政使王直望與各州縣冒賑侵漁 朝廷帑金數十萬以賑事委端珣堅辭不奉檄觸上官怒思中傷之檄解故逆犯徐述夔案內黃斌至京師事訖端珣卽日乞養歸里後直望伏誅各州縣官悉置之法

端珣以先見免

祝志

吳見賢字履瓊翠微鄉人例貢生性友愛每朔望集諸弟於

遺經堂述先人遺訓誥教之恭謹樂善歲存饑首倡捐賑及捐金已盡復罄所積獨賑月餘存活甚眾山遙徑在鳳皇山之麓為恭常都孔道崎嶇險僻行旅憂困先是雍正二年余乾寶捐金修之然猶學確陷深至是見賢倡修于山半復整以石至今行道者皆頌焉乾寶字非凡職監生俱同上毛應龍字雲昂仁都人以行伍擢官千總同乾隆五十二年九月志隨總督孫士毅討安南阮通志十一月攻市球市球為安南要口河橋寨柵最為完固前數攻不下應龍發礮轟擊自辰至酉破其寨柵渡河橋傷礮猶奮呼再四歸卒於軍營年三十三賜卹廕給恩騎尉世襲一次子國斌以廕

官南澳守備軍功

賞戴花翎阮志

黃標字殿豪其先潮州府南澳人以宦居籍香山上幼孤負

香山縣志

卷十四

列傳上 國朝

三

薪養母讀書知大義膂力過人能開二石弓左右射甫冠充

南澳鎮標步兵拔外委阮通志乾隆四十五年補香山協鎮左

營都司中軍守備阮志五十五年洋匪嘯聚恣掠標率舟師擒

賊首吳昌盛等於濶洲并剿狗頭山盜阮通志記大功嘉慶元

年十月奉委統領各營兵船出洋巡搜乾隆五十九年九月

恩發等六十年閏二月在二石島拏獲陳記生又在沙底外

洋拏獲林乞等十月在黑水外洋拏獲黃修為等十一月在

雞頸外洋拏獲詹顯等二年授廣海遊擊嘉慶元年在梳夾門外洋追

瑞吳統基又在南澎外洋拏獲葉茂尋以功議敘授海門營

垣等又在二錫洋面拏獲謝郁洪等三年復以功議敘補

參將二年二月在擔杆洋面拏獲陳勝授廣東左翼等處地方總兵二年十月在梳夾門外洋拏獲

拏獲鄭六等二年二月在五年以功賞戴花翎三年

二金洋而拏獲王大等五年以功賞戴花翎三年

月在瓊杯外洋拏獲盜首潘貴等四年二月在放雞外洋拏

外洋擊獲蒙生等五年正月在梳夾門外洋擊獲張觀興等
六年十一月在果洲外洋擊獲田猛等又在南澎外洋擊獲
黃文等七年惠州賊陳爛屐四擁眾盤據羅浮制軍吉慶檄標

帶兵會同提督孫全謀赴博羅分道拒戰賊勢猖獗標選健
卒從間道埋伏密授方畧伺隙擊賊遽駭竄標冒險深入

焚其火藥局大兵繼至遂破羊矢坑羅溪等處直搗巢窟擒
其魁賊平是役也標為前鋒欲讓功弗居分其銳卒以為提

督所統麾下爭功幾鼓噪標獨以恩威靖之以平寇功議敘
賜玉扳指帶頭荷包等物且褒以嶺海要臣不可

旦夕離職守祝特命繪像以進祝旋奉祝旨引

見封武顯將軍祝後與孫全謀出海捕賊賊望風遁廣州灣

灣險不可進標欲合兵守隘口半月賊糧必盡可殲滅孫以
相持日久有風濤患祝實妒標功而欲養寇乃少分兵合

香山縣志卷十四祝列傳上 國朝 三

標孤守隘口賊困甚偵知官兵戰船少冒死衝突眾寡不當
標乃占上風發礮烟迷賊艘佯作追捕狀全師以退仰天歎

曰失此機會海氛何日已也祝憤懣成疾卒於電白營瀕卒
猶躍起大呼縱船標生長海壖習知水性出海攻賊親持舵

駛帆運礮發火如弄彈丸一舟先眾舟尾之浪高如山迎風
上下若履平地賊畏之如虎祝自結髮從戎出海未嘗失

律與士卒同甘苦人樂為用剿賊殲其首惡不妄殺所獲賊
船贓物以其二賞將士其一為修船費分毫不自取彌補軍

中器物未嘗輕動庫帑獲賊必親自解省不輕擾地方官降
者量才委用推心腹俾自効擢顯職為良將者數人所習韜

鈴不自秘麾下承指授建殊績者可屈指計也於東南一帶
海道淺深險易進退戰守之處黑夜皆能辨識望日月星斗

知風雨人咸目爲海疆長城手註測天賦及海疆理道圖卒年六十有二志祝

何定江字景宗小欖鄉人乾隆丁酉武閣鄉薦庚子進士二

甲第一人由侍衛揀發福建補長福營右軍都司調補閩安

協水師營都司五十六年十二月在馬家題補水師提標遊

擊擊補閩浙督標水師營參將嘉慶二年二月在東浦澳十

洋十二月在韭山外洋三年正月在前堤洋三月在斧頭港

外洋四月在白犬外洋六月在長腰洋七月在青水外洋又

在北關洋又在南圪外洋奉調帶領厦金等營兵弁北洋緝匪

獲盜犯盜首匪犯凡十一次五年七月在白犬外洋

在東湧外洋奉授金門鎮總兵十二月在東湧外洋七月

獲盜犯凡三次補授金門鎮總兵十二月在永甯洋四月在烏

坵洋五月在銅山烏石棚洋又在烏坵外洋十月在白嶼洋

又在崇武洋八年閏二月在鈞鈞灣擊獲盜犯及救回被劫

商船共丁艱歸起復補授浙江定海鎮總兵十一年七月在

八次香山縣志卷十四列傳上國朝

打沉盜船斬獲羣匪失察蔡牽子某竄至普陀寺燒香革職留任後屢

經獲賊補授浙江提督祝定江蒙上棄瑕錄用誓死

圖報嘉慶戊辰十一月攻蔡逆於温州海中親援桴鼓士卒

踔厲賊勢披靡復極力窮追未獲而病作定江生長海隅於

舟師駕駛攻戰尤爲曉暢既通處家敦篤倫理待物軒豁大

度雅歌投壺有儒將風居官乃心國事無閒寢食易簣時深

以蔡逆稽誅爲恨卒年五十五志祝

李勝南字德聰隆都人生平倜儻有奇節貧而好義嘗於象

角水步拾一囊白金幾二十斤勝南念捨而去他人將拾之

乃懷而坐待須臾一人至周視瞿瞿遽欲赴水死勝南挽而

問之與囊中數合探懷反之其人奉三十金爲壽勝南麾曰

多之不圖而少取耶其人泣拜去道旁多稱歎者卒年七十

五

黃姚字潤洲塔園人少孤事母孝其祖於祀田外置書田七畝歲入穀四十餘石以資諸生膏火姚弱冠補諸生例得所人力辭不受迨子鳳起補諸生仍辭不受曰吾請別儲之以裕族可乎計其父子應得穀積至二千餘石置田六十餘畝別於祀田名曰千波堂公產凡族內婚喪孤寡養老赴試之費皆取給焉祖祠日久剝落姚擘畫生殖力疾肩其勞新祠落成尙贏白金八百有奇年四十八卒族人思其德祀其主於祠俱同上

李念三字錫天邑諸生沉毅慷慨積而能散族有因貧廢學者捐田十畝助其薪火有窮老無嗣者捐田三十餘畝為繼絕之資乾隆戊戌歲饑捐金數百羅穀平糶邑令表其門曰

香山縣志 卷十四

列傳上 國朝

單

好義可風計其前後捐賑千有餘石不少吝鄉里稱善人卒年六十五祝志參家傳

何昶字鴻文小欖人乾隆乙酉拔貢生丁酉舉人署南康崇義兩縣旋署德安縣縣之烏石門為八省通津江漲岸圯昶捐俸倡修行旅德之庚戌補鉛山縣土豪某恣睢甚前令廉知之而無如何昶捕之解省舉邑相慶而大吏素謙昶直駁之士豪乘間反噬遂呈吏議歸築閣於鳳山之麓以詩酒自娛年七十五卒採訪冊

何其英字瓊玉小欖鄉人少孤家貧事母以孝聞乾隆六十年由舉人挑發陝西以知縣用明年攝鳳縣事兼署留壩同知四川白蓮教匪倡亂縣之斜谷與褒城連雲棧通舊有馬二百匹無事寄牧於民有事則徵之民受其累其英至裁之

軍興役民輸運困躓道路其英乃捐俸購驃馱載民力以紓
留壩民有號草上飛者土惡也糾眾助亂撫軍某募鄉兵剿
捕之名曰秦師師故無賴子將又無律所至淫掠民疑爲賊
發礮禦之斃六人於是督師某勢赫甚聞民礮殺其卒怒欲
坐以謀反民懼逃匿窮林中天方大寒多凍死其英招輯之
且挈若干人與秦師質其英曰秦師淫掠民疑爲賊故發礮
禦之實非謀反督師不能衛民而反以害民復聽其誣說不
激成禍亂不止鄉民團練鄉勇以禦賊也秦師淫人掠人非
賊而何民實擊賊官又罪之將何所措手足乎其英故有治
聲督師某耳其名至是語塞怒乃解當是時盜賊肆起民心
洶洶訛言繁興縣之馬鞍山白雲鄉亦有以謀不軌聞者營
將大駭卽率兵往其英輒止之單騎馳察卒無事縣西境與

香山縣志

卷十四

列傳上 國朝

聖

六

四川爲鄰賊嘗侵軼其英則嚴設備不少懈其英嘗之西安
中途聞警遽反一日夜馳四百里難民紛紛趨城門者方拒
爭其英至命悉入卽登陣爲守尋與遊擊蘇維龍擊賊進口
關殺四十餘人賊披靡去已復來寇蘇遊擊戰死遠近皆震
其英設奇守禦賊一歲凡五至不能得豪髮利自是不敢犯
大府廉其能題補寶雞縣知縣經畧額勒登保亦以軍需無
誤民情愛戴保奏交部議記大功一次時嘉慶五年也寶雞
爲出棧北口差徭浩繁較鳳縣爲難治其英居數月盡得所
不便於民者次第革之邑民大悅初其英署留壩時聞母訃
卽解任奔喪大吏援金革無辟之例奏奪情至是已九年矣
川賊平奉文回籍補行喪服時其英蒞寶雞三年辦大差十
二次兵差十六次皆自發價僱募以故虧帑數萬金百姓詣

制府請留且願代償允之越八年乃畢百姓代償者二萬餘金於是謝病歸其英視民如子苟可以保民恒不顧身家任之益堅其在鳳縣也蘇遊擊敗於溝口鄉民避城中者數萬人將軍某故有威自撫軍以下見之無不委蛇行者時統索倫兵至索倫兵素橫其英慮擾民令閉城將軍諭開門不應以節召其英其英立樓櫓上與將軍語將軍曰何故閉門拒我其英曰知縣職司守土賊逼近城鮮守兵又無外援安得不嚴守禦乎閉門拒賊非拒將軍也且將軍統重兵以討賊賊在城外而將軍必入城中何也將軍嘆惜顧左右曰去之彼強項令無與語其英官鳳與寶雞凡十七年不妄取民一錢兵興旁午民不知役及歸走送者數萬人過鳳翔岐山兩邑民亦沿途奉酒相饒人謂二百年間邑士出爲循吏者惟

香山縣志

卷十四

列傳上 國朝

聖

六

詹官及其英云歸闕地半畝於葵水之濱雜蒔花木顏曰有巢讀書課子不與外事卒年七十有一著有巢詩集二卷文集一卷隴右月紀一卷

祝志

何文明字堯臣小欖人幼失恃事父孝穎悟好學乾隆己亥

恩科舉於鄉八上春官屢薦不售嘉慶辛酉挑發河

南署臨穎內黃息滑四縣補洧川縣所至以廉能稱事有利於民者銳然行之雖負過任怨弗顧也方李文成牛亮臣之倡亂滑濬也與山東林清相應豫境戒嚴文明以公事至彰德彰郡距滑濬僅百里地接長垣守令束手文明陳守禦十策守奇其才屬以兵事文明以越俎辭守曰國事也文明於是大修戰守具募敢死士諭以大義明賞罰授戈登陴賊來窺文明偃旗韜鼓賊始大疑久之見雉堞寂然方欲駕雲梯

攻城文明忽揚塵燃巨礮四城皆焚火以應矢石雨下賊大
創奔文明戒守者益嚴備三月始解嚴大吏擬卓薦當道尼
之中止乙亥視事涪川涪川地四衝舊派民供號車六十輛
吏胥因緣爲奸文明爲設車馬局捐廉爲之倡餘按畝攤捐
畜馬乘定徒庸以紳士之公正者司之凡有徵發皆取給於
局民免供億吏胥無所操縱民大悅漳河決大吏派買麻束
吏胥輾轉乾沒給價不能如值州縣苦之文明以地瘠民貧
力爲請免大吏不允文明以去就爭藩司賢之從其請民權
怵積年逋賦皆完納尤長於聽訟一經判決險健皆屈服宰
涪川三年獄無冤民案無留牘辛巳引疾歸士民扶老攜幼
卮酒泣送數十里舟至洞庭端坐卒年六十有三生平廉隅
自矢宦橐蕭然而能濟人急詩人徐石泉歿於省邸出貲殮
香山縣志卷十四

列傳上 國朝

聖 六

之資其子扶櫬還楚涪川鄒令卒於官虧帑金數千老母眷
屬百餘指不能歸文明慨然爲之代償爲之申牒且爲之治
裝遣役護之歸公餘手不釋卷工諸家書法得其尺幅者什
襲藏之著有二思齋詩文集申州筆記嵩山紀遊投閒雜錄
子曰懋曰愚曰恕曰愈孫瑞丹璟瓊琮珂曾孫耀章皆通
顯

採訪 冊

劉國鳳字鳴六隆都人附貢生性好義嘗寓都門過高要龔
驂文邸舍時歲暮索債者盈坐龔急甚國鳳曰無庸如數代
償之一夕名動京師簡思敬少聰敏家貧不能就塾師學國
鳳致於家使與諸子同視席飲食服用無異諸子卒成名孝
廉佛山同知葉汝蘭者京邸舊識也過從甚洽後知瓊州府
海陞督糧道國鳳未嘗一投刺其門人以此益高之太史鄭

應元嘗壽以文謂其平生栽培人才甚衆樂善不倦聞者以爲知言子大觀嘉慶己未武進士花翎侍衛祝志

鄭應元字文川城內人乾隆四十六年進士由庶吉士改授

內閣中書充三通館纂修官兼總校官引病歸祝志嘉慶十年

海寇關入內地應元偕從子敏達從兄齡邑人劉鑄輩出與

邑令彭昭麟籌守禦相度險要設犂頭嘴礮臺以當東路易

上關砲臺水柵之向添壕殼壩以當中路增港口礮寨塞淺

水湖以防其前塞南九南六濬以防其後按十年彭昭麟水柵碑止說港口上

下開犂頭嘴未曾敘及濠涌而事畧濠涌築台敘在許敗之後是濠涌築台在十四年餘俱築於十年祝志混稱之誤

內守甚嚴故賊屢至不得逞十四年夏六月總兵許廷桂敗

歿逃兵闖入城奪食應元倡議首施賑米以安難兵次募鄉

勇以屯海岸邑以鎮定未幾應元卒年五十有五敏達字遜

香山縣志

卷十四

列傳上 國朝

四

江以例貢捐都察院經歷樂於周急族多貧乏敏達請於母

捐田七十餘畝助婚喪費倡建五峯書塾延師主講俾不能

自備束修者就學焉與彭宰善禦賊之貲彭一屬之敏達期

以歲事償敏達諾之稱貸數萬金敏達遽卒彭亦去官執逋

券者索諸其家其子鬻產以償家遂落採訪冊應元從子廷槐

字昭甫性醇謹嘉慶十五年舉人官內閣中書林清之變值

宿內廷不得食者二日賊平晉兩階旋乞假歸道光六年

往港口礮臺驗視火藥藥藏罌中歲久凝結從者以鐵器劇

之藥燃廷槐受傷數日卒採訪冊參祝志

按祝志應元傳許廷桂舟師失利難兵入城應元乃

偕敏達諸人出與邑令籌守禦攷祝志事略嘉慶十

年知縣彭昭麟令紳士立礮臺水柵十四年六月辛

卯許廷桂被殺逃兵至石岐奪食是應元敏達等之
出籌守禦已先在十年非在許敗之後明矣又咸豐
五年修復港口礮臺見石刻俱誌嘉慶十年更無疑
義而彭宰建港口礮樓水柵故碑有鄭君星槎劉君
沛川起而言曰港口要地固不待言而上聞與東濠
口通下聞則芙蓉沙內口均爲要緊亦當次第設立
礮臺似更周密之文星槎敏達字也則當時設險固
圍實爲興事首議之人今更正應元傳補附敏達於
其後以其事相連屬故不別立傳云

王天敘字秩猷大黃圃鄉人廩生中乾隆戊申科舉人辛酉
科大挑一等分發山西厯署稷山浮山定襄黎城神池縣知
縣特授靜樂縣知縣署岢嵐州知州所至有廉明聲靜樂諸

香山縣志

卷十四

列傳上 國朝

六

縣俱爲立遺愛祠其權稷山也久旱民不聊生天敘爲捐俸
代民輸糧躬自禱雨三日雨大至百姓冒雨詣縣門下泥首
謝建生祠尸祝之留其冠及靴公送萬家生佛額頌其德久
之致仕歸年八十卒

採訪冊

何士祥字景祥小欖鄉人豪縱善騎射力能挽強乾隆庚子
武闈鄉薦丁未成進士選藍翎侍衛授海安營守備調崖州
營游擢砲洲營都司碣石鎮中營遊擊每出洋剿捕親冒矢
石軍功屢著在崖州時護理參將與盜船戰於黑水洋設伏
諸港汊誘賊入重地戰艦驟發四面環擊擒賊尤夥署吳川
都司平海參將時其去也父老適留感泣若失所庇在碣石
時甲子村民爭墟場械鬪聚眾數千士祥單騎往諭示以禍
福感悟而散升福建水師參將尋以病乞休提督錢夢虎移

書招之出捕緝內河有功將奏請起用士祥辭曰所以竭蹶從事者圖報知己耳不謀復用也乃止未幾卒年五十阮通志

吳朝鼎字順今恭都人邑廩生讀書攻苦文名震一時不自喜而以躬行為重偶至澳門夷人知其家貧力學贈以金却

不受夷意其少倍之却益堅詞色俱厲夷曰吾今乃知天朝士類足重也家人嘗告明晨粒不給笑曰既云明晨今

已晚奚告為展卷浩然不顧卒年三十四祝志趙時潤黃梁都人太學生正直好義乾隆丙午丁未間鬻產

以救饑者每歲款皆竭力賑恤邑令旌其門嚴介字貴良濠涌人恩貢生少家貧力學晝則負薪

給朝夕夜則燃香爇照讀晏如也弱冠食餼於庠以試事寓省垣破屋躬執爨食鹽豉而已而廩入則盡以購羊裘歸奉

香山縣志卷十四列傳上 國朝哭六

其父父歿哀毀逾常廬墓側人益賢之爭慕與交然性和而廉嘗館士夫家其子學弗力明年厚脩脯留之堅辭不受其

臨財毋苟得類如此晚年學益勤雞鳴起讀書聲琅琅出戶外年六十五卒俱同上

方天根字應復邑諸生持躬狷介沉潛敏悟所為詩古文詞繪事篆刻皆卓然可傳年三十八卒同上多才而天與順德胡

同謙張玉洲並為時彥惋悼黎二樵少所許可獨雅重天根哭天根詩云使我同斯世得君誠古人小時聞孝友一往不

溜磷可以想見其為人嶺南羣雅有少游草多所散佚從弟繩武與同志搜集遺詩梓之題曰風佩軒遺草繩武字顯謨邑諸

生性峭直好面折人過而其中實無城府少與從兄天根以文行相切劘館許邑令署宅時有某氏子治具招飲陳百金

求援未啟齒而編武已出於戶雅嗜酒嘗爲汗漫遊所至輒呼飲必醉雖千鍾未嘗辭也詩筆豪健所學成就於天根者爲多年五十卒著有七峯第一峯草堂詩集志

鄭錫玉字協璩雍陌人讀書明大義里黨桀鰲經其懲誠者輒痛自改悔家中人產而待舉火者數十家雍陌大布兩鄉同資一水之利稍旱卽相爭釀禍協璩循審地勢乃捐已田開溝漚從上流分爲兩派大布水由東廟坑出殼塘圍雍陌水由下坡入前洋出東西圍漚田數十頃鄉族食其德

楊汝任字孟傳申明亭鄉人乾隆癸丑進士官內閣中書以省葬假歸與同里李大觀倡建龍山書院嘉慶七年會匪熾煽眾情洶洶汝任乃集同志運籌警備巡察驅除五十餘鄉賴以安堵平生慷慨好義其興學弭盜之功尤爲鄉里倚重

香山縣志

卷十四

列傳上

國朝

四

云著有文稿若干卷卒年四十八大觀字異觀附貢生驅除會匪之役大觀亦與有力焉俱同上

何定鰲字強遠黃圃鄉人乾隆甲寅武舉以衛千總職需次於家同上嘉慶十年海盜闖入內河定鰲雇募船防堵秋八

月賊以數十艘蜂擁壓境定鰲擊之傷斃賊匪無算斬獲賊目奏稿賊眾遁去那制軍彥成以成城衛里旌其門十四年洋

盜尤披猖擾及邑城四野騷然定鰲復請擊賊上官撥拖繪大賊船四十五號舵工水手壯勇一千四百四十名命定鰲

統之時賊至順德黃連鄉定鰲據要口截擊賊爲所阨數敗不能肆掠九月賊分眾襲黃圃定鰲回援賊已登岸從後山

入眾寡不敵遂遇害年四十事聞奉

旨賜祭葬廕一

子雲騎尉世襲恩騎尉罔替祀昭忠祠

何其英何

何山傳

梁韜字輔廷得都人由行伍拔香山協鎮左營外委累升左翼鎮中營千總性剛勇每遇賊奮不顧身時孫全謀督水師專闖海上怯而無謀海上大盜烏石二郭婆帶張保分三黨張保爲最強闖入內地流劫村落孫全謀乃率師船百餘往禦之過於番禺之沙灣賊甚眾望其檣如積而沙灣內海地隘舟師擁不能軍敗績孫全謀幾爲賊所獲韜以爲勢急非火賊舟令其自救則吾師不能出乃自投火於藥櫃中櫃爆火及賊舟賊亂志氣奪逃入內港阮通志孫全謀乃得脫全舟師千餘人韜以焚死年四十一時嘉慶十四年十月辛丑夜也事聞 予雲騎尉世職恩騎尉世襲罔替祀昭忠祠

志

阮四和象角鄉人母病劇割股以治家貧未娶卒年二十八

香山縣志 卷十四

列傳上

國朝

哭

蔡佑字慶宜古鎮鄉人嘉慶丁卯舉人性端方不妄涉人事尤絕口不言財嘗除夕不名一錢其族兄以千錢贈之祇受二百文曰此已足何多爲戊辰會試遇滿洲人某官光祿寺署正者時其父福明知廣州府欲以珍貴物一篋書一函藉致廣州署佑却其篋而達其函或諷之曰當路重相託以此爲結識地不亦可乎曰士風之壞始於貪緣奔競吾不爲也至則投書而去請見卒不往年五十四卒

林應元字芳錫南屏鄉人有幹才嘉慶十三年海寇肆劫應元奉檄募拖繪船出大洋擒盜匪甚眾制府以奮志急公旌其門子世德桅甲門擊賊死之應元憤恨成疾卒年六十四同鄉監生容大振聯屬近鄉築石海濱禦賊桑梓賴安制府並表其門

譚露珍橫橋鎮南村人與同里劉文貴字禮中

祝志云義烈祠版題禮中

皆讀書知義嘉慶十四年海賊流劫露珍督眾拒賊禮中擊

鼓佐戰自辰至午不絕遂被害同死難者鄧煥章等六十六

人

名見並祀義烈祠上俱同

七烈士者蕭世泰陸朝盛梁允能梁陞朝林九吳喜伍生皆

小欖鄉人也嘉慶己巳六月海寇攻鄉七人身先勇士奮擊

賊賊披靡七人窮追之俱殞於礮鄉人表其墓且立義勇祠

祀之

既通志

翁植斯小黃園鄉人嘉慶十四年十月洋盜張保焚劫村庄

植斯與鬪被賊執罵不絕口賊剖其腹而沉於海

祝志

張清亮字炳孚谷都人少不羈濶達有勇畧由行伍從軍著

勞績嘉慶十四年拔香山協外委累官至瓊州鎮總兵善拊

香山縣志卷十四

列傳上 國朝

四

循士卒舊伍有齋檄至者待以故舊禮引與對案共食部下

有急輒解橐先期支餉以是得士卒心瓊州在大海中距省

垣數千里故赴秋試者恒少清亮乃捐俸贖諸生各二十金

瓊士德之尋以屬員罣誤降補大鵬營參將地有捕魚罾船

數十苦前官需索散去清亮至盡招復業未幾卒於官年四

十九

程仰添亨美人家赤貧孝事瞽母每得一二錢甯忍飢寒必

市餅餌以啖其母人惠以酒肉必先奉其母而後食或已不

食而勸母母問之則謂己已食矣居常拍掌撫髀曼聲高歌

求得其母歡心人謂仰添未嘗學問而與老萊戲舞事同蓋

發於至性云

俱同上

林光洪三竈鄉人上同孝出天性蚤失怙家貧傭工奉母問所

欲必力致之侍病~~醫~~察病~~藥~~足不離榻母歿哀毀柴瘠廬墓三年嘉慶壬戌鄉有會匪羣脅之光洪曰我世為良民不汝從也請辭母靈就死賊嗟歎去卒年六十二後十八年邑人上其行題旌建坊

阮通志

唐文璣唐家鄉人父德韶授徒於塾貧無廝僕文璣代之一日父病醫者束手文璣禱於神潛刺血和藥以進遂瘳母卓氏疾篤亦如之卒年五十四嘉慶二十四年以孝子旌建坊於鄉

阮通志

吳元善年甫九歲父母有疾晝夜不寐時在左右母故哀戚如成人父續娶後母事之如所生父歿合封身自負土閭閻稱為孝子

俱同上

香山縣志卷十四

列傳上 國朝

香山縣志卷十四終